

1.0 Memahami Penyata Pendapatan

Pertama sekali, perlu difahami tujuan penyediaan Penyata Pendapatan ialah untuk mengira **keuntungan** atau **kerugian** daripada operasi perniagaan yang dijalankan. Secara umumnya juga, rumus untuk mengira untung atau rugi ialah **HASIL TOLAK BELANJA**. Pelajar mungkin merasakan sukar untuk mengingat format Penyata Pendapatan, tetapi sebenarnya ia ialah susunan Hasil tolak Belanja, cuma disusun mengikut format tertentu. Dimanakah kedudukan Hasil dan Belanja tersebut di dalam penyata ini? Perhatikan format ringkas Penyata Pendapatan di bawah:

Penyata Pendapatan bagi tahun berakhir 31 Disember 2015		
Jualan		xx
Tolak: Kos Jualan		
Stok awal	xx	
(+) Belian	xx	
Kos barang untuk dijual	xx	
(-) Stok akhir	(xx)	
Kos Jualan		xx
Untung / Rugi Kasar		xx
Tambah: Hasil lain		
Sewa diterima		xx
Tolak: Belanja lain		
Kadar bayaran	xx	
Gaji	xx	xx
Untung / Rugi Bersih		xx

HASIL

tolak

BELANJA

= Untung / Rugi Kasar

HASIL

tolak

BELANJA

= Untung / Rugi Bersih

1.1 Bahagian Akaun Perdagangan dan Akaun Untung Rugi di Penyata Pendapatan

Jualan	xx	Bahagian Akaun Perdagangan		Bahagian Akaun Perdagangan mengukur untung atau rugi daripada operasi utama perniagaan sahaja, iaitu hasil daripada jualan barang ditolak dengan kos perolehan barang tersebut. Jadi untung atau rugi bahagian ini disebut kasar kerana ia belum mengambil kira hasil dan belanja lain.
Tolak: Kos Jualan	(xx)			
Untung / Rugi Kasar	xx			
Tambah: Hasil lain	xx	Bahagian Akaun Untung Rugi		Bahagian Akaun Untung Rugi pula mengambil kira hasil yang mungkin diperoleh daripada punca lain dan belanja operasi lain yang dibayar bagi menjalankan perniagaan. Jadi untung atau rugi bahagian ini disebut bersih kerana ia telah mengambil kira semua punca hasil dan belanja.
Tolak: Belanja lain	(xx)			
Untung / Rugi bersih	xx			

1.2 Bahagian Jualan Penyata Pendapatan

Bahagian Jualan ialah untuk mengira Jualan bersih. Terdapat dua akaun kontra jualan yang perlu ditolak. Yang pertama, **pulangan jualan** perlu ditolak kerana apabila pelanggan memulangkan semula barang yang telah dibeli, ini bermakna jualan bagi pihak peniaga telah berkurang. Begitu juga dengan **diskaun tunai** yang diberi kepada pelanggan perlu ditolak kerana ini menunjukkan nilai asal jualan kredit telah berkurang kerana pelanggan hanya perlu membayar balik jumlah jualan setelah tolak diskaun.

Penyata Pendapatan bagi tahun berakhir 31 Disember 2015

Jualan			xx
(-) Pulangan jualan		xx	-
(-) Diskaun diberi	xx		
Jualan bersih		(xx)	xx

1.3 Bahagian Kos Jualan (ringkas) Penyata Pendapatan

Rumus asas untuk mengira kos jualan (kos barang dijual) ialah **Stok awal + Belian - Stok akhir**.

Stok awal ditambah dengan belian akan menghasilkan kos barang untuk dijual, ataupun stok barang yang tersedia untuk dijual. Nilai kos jualan diperoleh dengan mengira perbezaan antara stok barang yang tersedia dijual ini dengan stok akhir yang belum terjual.

Tolak: Kos Jualan

Stok awal	Belian	Kos barang untuk dijual	Stok akhir (stok belum terjual)	Kos Jualan (stok telah dijual)
+ =			- =	

1.4 Bahagian Kos Jualan (terperinci) Penyata Pendapatan

Penerangan akan menumpukan pada bahagian belian bersih. Belian juga mempunyai dua kontra yang perlu ditolak bagi mendapatkan belian bersih. Pulangan belian (barang dibeli dipulangkan semula kepada pembekal) akan menyebabkan jumlah belian berkurang. Diskaun tunai diterima daripada pembekal juga ditolak kerana nilai asal belian telah berkurang kerana perniagaan hanya akan membayar balik kepada pembekal nilai belian selepas diskaun.

Item-item seperti angkutan masuk, duti (cukai) atas belian, insurans belian dan juga upah atas belian adalah antara belanja yang akan meningkatkan kos belian sebenar. Item-item ini ditambah pada belian bersih bagi mendapatkan kos belian keseluruhan.

Nota: Belanja belian ini tidak dimasukkan di bahagian belanja lain di Penyata Pendapatan, walaupun dari segi jawapan untung bersih, tetapi akan mendapat amaan yang sama. Cuma dari segi konsep, kos sebenar belian adalah tidak tepat sekiranya belanja ini diletakkan di bahagian belanja lain dan menyebabkan untung kasar terlebih nyata.

Tolak: Kos Jualan

Stok awal		xx
+ Belian	xx	
(-) Pulangan belian	(xx)	
(-) Diskaun diterima	(xx)	
Belian Bersih	xx	
(+) Angkutan masuk	xx	+
(+) Duti atas belian	xx	
(+) Insurans belian	xx	
(+) Upah atas belian	xx	
Kos Belian		xx
Kos barang untuk dijual	xx	
- Stok akhir	(xx)	
Kos Jualan		xx

1.5 Menghitung Untung Kasar / Rugi Kasar Penyata Pendapatan

Penyata Pendapatan bagi tahun berakhir 31 Disember 2015

Untung Kasar atau Rugi Kasar ialah perbezaan antara Jualan (bersih) dengan Kos jualan.

$$\text{Untung kasar} = \text{Jualan} - \text{Kos jualan}$$

Untung kasar apabila Jualan > Kos Jualan

Rugi kasar apabila Jualan < Kos Jualan

Jualan			xx
Tolak: Kos Jualan			
Stok awal	xx		-
+ Belian	xx		
Kos barang untuk dijual	xx		
- Stok akhir	(xx)		
Kos Jualan		xx	
Untung / Rugi Kasar			xx

1.6 Bahagian Hasil lain Penyata Pendapatan

Hasil Lain menandakan bermulanya bahagian Akaun Untung Rugi. Bahagian ini merekod semua hasil selain daripada hasil aktiviti utama perniagaan (hasil bukan kendalian). Untung / rugi kasar akan ditambah dengan hasil ini. Pelarasan terakru dan terdahulu perlu diambilkira dalam merekod hasil ini.

Untung / Rugi Kasar		xx
Tambah: Hasil lain		
Komisen diterima	xx	+
Faedah simpanan tetap	xx	xx

1.7 Bahagian Belanja lain Penyata Pendapatan

Bahagian belanja lain merekodkan semua belanja yang dibayar oleh perniagaan bagi memastikan kelancaran operasi perniagaan (belanja kendalian dan belanja bukan kendalian). Belanja ini ialah belanja selain kos memperoleh stok barang niaga (bermaksud belanja yang telah dimasukkan di bahagian Kos Jualan tidak lagi dimasukkan di sini). Pelarasan terakru dan terdahulu perlu diambilkira dalam merekod belanja ini.

Tolak: Belanja lain		
Kadar bayaran	xx	
Gaji	xx	
Rugi pelupusan aset	xx	
Susut nilai aset	xx	xx

1.8 Menghitung Untung Bersih / Rugi Bersih Penyata Pendapatan

Pengiraan untung bersih / rugi bersih:

$$\text{Untung/Rugi kasar} + \text{Hasil lain} - \text{Belanja lain}$$

Untung bersih apabila jawapan adalah positif (bermaksud Hasil > Belanja)

Rugi bersih apabila jawapan adalah negatif (bermaksud Hasil < Belanja)

Untung / rugi disebut bersih kerana telah mengambil kira semua punca hasil perniagaan ditolak dengan semua punca belanja perniagaan.

Untung / Rugi Kasar		xx
Tambah: Hasil Lain		+
Jumlah Hasil lain		xx
Tolak: Belanja Lain		-
Jumlah Belanja lain		xx
Untung / Rugi Bersih		xx

$$\text{Jualan} - \text{Kos Jualan} = \text{Untung / Rugi Kasar} + \text{Hasil lain} - \text{Belanja lain} = \text{Untung / Rugi Bersih}$$

2.0 Memahami Kunci Kira-kira

Pertama sekali, perlu difahami tujuan penyediaan Kunci Kira-kira ialah untuk menunjukkan kedudukan **Aset, Liabiliti dan Ekuiti Pemilik** perniagaan (kedudukan kewangan perniagaan). Bahagian aset terdiri daripada aset bukan semasa dan aset semasa berserta kontranya. Liabiliti pula terdiri daripada liabiliti bukan semasa dan liabiliti semasa manakala bahagian ekuiti pemilik terdiri daripada modal beserta untung atau rugi bersih dari Penyata Pendapatan dan ambilan sebagai kontranya.

2.1 Bahagian Aset Bukan Semasa Kunci Kira-kira

Kunci Kira-kira pada 31 Disember 2015

Antara item biasa Aset bukan semasa ialah bangunan, kenderaan, perabot, alatan pejabat dan lekapan. Aset akan dinyatakan pada nilai kos terlebih dahulu, namun bagi aset yang mempunyai susut nilai, jumlah susut nilai terkumpul perlu ditolak daripada kos aset tersebut. Jadi aset-aset ini akan ditunjukkan pada nilai buku di dalam Kunci Kira-kira.

Nilai buku = Kos aset – S. Nilai Terkumpul

<u>Aset Bukan Semasa</u>				
Premis				xx
Kenderaan		xx		
(-) S.N.Terkumpul		(xx)		
			xx	
				xx

2.2 Bahagian Aset Semasa Kunci Kira-kira

Antara item biasa bagi aset semasa ialah SPBT iaitu stok akhir, penghutang, tunai dan bank. Bagi penghutang sekiranya perniagaan ada membuat peruntukan hutang ragu, maka nilai hutang ragu ini perlu ditolak daripada penghutang untuk mendapatkan nilai penghutang bersih.

Item lain aset semasa termasuklah simpanan tetap, belanja terdahulu dan hasil terakru.

<u>Aset Semasa</u>				
Stok akhir				xx
Penghutang		xx		
(-) Per. Hutang Ragu		(xx)		
			xx	
Tunai			xx	
Bank			xx	
Insurans terdahulu			xx	
Sewa diterima terakru			xx	
			xx	

2.3 Bahagian Liabiliti Semasa Kunci Kira-kira

Liabiliti semasa ialah hutang perniagaan yang matang dalam tempoh kurang dari setahun. Contoh biasa ialah pembiutang.

Item lain liabiliti semasa termasuklah belanja terakru dan hasil terdahulu.

Jumlah liabiliti semasa akan ditolak daripada jumlah aset semasa untuk mendapatkan modal kerja.

<u>Tolak: Liabiliti Semasa</u>				
Pembiutang		xx		
Pinjaman (matang setahun)		xx		
Gaji terakru		xx		
Komisen terdahulu		xx		
			xx	

2.4 Menghitung Modal Kerja dalam Kunci Kira-kira

Hakcipta BCL-KKPP 2016 www.mhdazlan.wordpress.com

Modal kerja ialah perbezaan antara jumlah aset semasa dengan jumlah liabiliti semasa.

$$\text{Modal kerja} = \text{Aset semasa} - \text{Liabiliti semasa}$$

Modal kerja yang positif menunjukkan perniagaan mempunyai lebihan aset semasa untuk menjalankan urusan perniagaan setelah menyelesaikan kesemua hutang jangka pendek.

Aset Semasa			
Jumlah aset semasa		xx	-
Tolak: Liabiliti Semasa		xx	
Jumlah liabiliti semasa			
Modal kerja			xx

2.4 Pengiraan penjumlahan pertama Kunci Kira-kira

Jumlah besar pertama Kunci Kira-kira ialah hasil tambah jumlah Aset Bukan Semasa dengan Modal Kerja.

$$\text{Jumlah} = \text{Aset Bukan Semasa} + \text{Modal Kerja}$$

Aset Bukan Semasa			
Jumlah aset bukan semasa		xx	+
Aset Semasa			
Jumlah aset semasa		xx	-
Tolak: Liabiliti Semasa		xx	
Jumlah liabiliti semasa			
Modal kerja			xx

2.5 Bahagian Ekuiti Pemilik Kunci Kira-kira

Bahagian Ekuiti Pemilik merekodkan modal awal serta perubahan modal pemilik yang disebabkan keuntungan atau kerugian serta ambilan yang mungkin dibuat oleh pemilik. Modal awal akan ditambah dengan untung bersih daripada Penyata Pendapatan (ditolak jika Penyata Pendapatan menunjukkan rugi bersih) dan sekiranya pemilik ada membuat ambilan untuk kegunaan peribadi, modal juga akan ditolak atas konsep entiti berasingan.

Ekuiti Pemilik			
Modal awal		xx	
(+) Untung Bersih / (-) Rugi Bersih		xx	
(-) Ambilan		xx	
Modal akhir		(xx)	
			xx

2.6 Bahagian Liabiliti Bukan Semasa Kunci Kira-kira

Bahagian ini merekodkan semua hutang jangka panjang perniagaan (matang melebihi tempoh satu tahun). Antara contoh biasa liabiliti bukan semasa ialah pinjaman bank dan gadai janji.

Liabiliti Bukan Semasa			
Pinjaman (matang lebih setahun)			xx

2.7 Pengiraan penjumlahan kedua Kunci Kira-kira

Jumlah besar kedua Kunci Kira-kira ialah hasil tambah Modal Akhir dengan jumlah Liabiliti Bukan Semasa.

$$\text{Jumlah} = \text{Modal akhir} + \text{Liabiliti bukan semasa}$$


Nota: Penjumlahan kedua-dua jumlah besar Kunci Kira-kira ini adalah lebih kepada semakan sahaja dan tidak diperlukan markah.

Ekuiti Pemilik

Modal akhir

Liabiliti Bukan Semasa

Jumlah liabiliti bukan semasa



3.0 Ringkasan Format

Penyata Pendapatan

J

tolak

KJ

=Untung Kasar

tambah

H

tolak

B

=Untung Bersih

Kunci Kira-kira

ABS

AS

tolak

LS

= Modal Kerja

XX

EP

tambah

LBS

XX